

## АКАФИСТ

всем святым в землі Житомирстей просиявшим

### Кондак 1

Избраннии от вѣка Промыслом Вышняго, звѣзды пресвѣтлыя, Церковь нашу украсивши, угодницы святѣи, в землі Полѣсской просиявши. Силою свѣше осененнии прещеній мучителей не убоившиися, любовь к Богу даже до смерти явивши и сим ризы души своя украсивши. Мы же, восхваляя подвиги ваша, молим: поминайте ны, смиренно чтущих вас: Радуйтеся вси святѣи землі Житомирския, Церкви нашея свѣтильницы присногорящи.

### Икос 1

Ангелов Творче и всего сущего Бодетелю, отверзи ныне уста наша, да достойно пѣснями принесем благодарственныя венцы к торжеству святых в землі Житомирстей просиявших. Вѣмы вас, яко плод красныи вертограда Господня и Горняго Иерусалима насельниц, стезями тернистыми, труды постническими, кровью страдальческими и молитвами землю нашу облагодухали есте. Ныне Престолу Божию предстояще озарите уво от Горних высот и сердца наша, да радостными гласы рцем вам сице:

Радуйтеся, жестоких мучителей стремления ни во что вменившии;

Радуйтеся, сим безплотных лики удивившии;

Радуйтеся, образ добрых подвигов нам оставльшии;

Радуйтеся, правый путь к Небеси нам показавшии;

Радуйтеся, на Небеса со славою возведеннии;

Радуйтеся, с лики ангельскими во Обители вѣчныя вселеннии;

Радуйтеся, Свѣта Троическаго приснии зрителии;

Радуйтеся, мира горняго блаженнии обитателии.

Радуйтеся, вси святѣи землі Житомирския, Церкви нашея свѣтильницы присногорящи.

### Кондак 2

Видя, яко преисполнена земля наша чудотворными иконами Дѣвы Превлагословенныя и преукрашена Богоневѣстною славою Ея, разумеем сие, яко благословение Царицы Небесныя отечеству нашему. Не умолчим и мы, Богородице, силы Твоя глаголати, вопия о Тебѣ Богу пѣснь велию, в Вышних трегубо песнословимую: Аллилуиа.

## Икос 2

Разум духовный дарова́ нам Господь увлажя́ти Тя, Ма́ти Всепе́тая, яко Цвет Нетле́нный и яко Плод Благоуха́нный выше́ангельскаго бы́тия Твоего́. Светло красу́ется земля́ Жито́мирская обра́зами чудотво́рными и местночти́мыми, и́миже Влады́чица Всеми́лостивая, благода́ть сугубу́ю, и то́ки чуде́с источа́я и лу́чами Ма́терния любви́ Твоея́ зе́млю на́шу освяща́я, и ду́ши на́ша согрева́я. О сем похва́лами увлажя́ем Тя:

Ра́дуйся, ино́ком обите́ли Триго́рстей кре́пкое огражде́ние;

Ра́дуйся, се́страм обите́ли Ольхо́встей обильное у́тешение;

Ра́дуйся, ве́рным ве́си Бежо́встей ве́лие упова́ние;

Ра́дуйся, лю́дям ве́си Колоди́евстей ми́лостивое заступле́ние;

Ра́дуйся, правосла́вным ве́си Пряже́встей ско́рая помощнице́;

Ра́дуйся, гра́ду Жито́миру в обра́зе Подо́льстем незри́мая покрови́тельнице

Ра́дуйся, во мно́зех святы́х обра́зах, землі́ Полес́ския всеце́лое освяще́ние;

Ра́дуйся, в подвизе́х на пу́ти ко спасе́нию незри́мое наставле́ние;

Ра́дуйтесь, вси́ святы́и землі́ Жито́мирския, Це́ркви на́шея свети́льницы присногора́щи.

## Кондак 3

Си́лу Вы́шний дарова́ вам на служе́ние, у́годницы святы́и, яко исто́чницы преисполненныя воды́ живы́я в землі́ на́шей изли́яся. Ду́ш челове́ческих зе́млю изсо́хшую, запове́дями Ева́нгельскими напо́яя, стопа́м дре́вних святы́х последовали есте́: скорбе́й не у́клоня́лися, темниц не у́боя́лися и многови́дныя му́ки, яко а́гнцы незло́бивии прия́ли есте́. Та́ко во тьме́ безбо́жия, пу́тям спасе́ния, ве́рных на́учали есте́; присно благода́ря Бо́га и поя́ Емю́: Аллилу́иа.

## Икос 3

Име́я ре́вность ве́лию по Бо́зе достосла́вне Е́вмене́, святы́телю дивный землі́ Жито́мирстей, посреде́ гоне́ний и заточе́ния сосу́д избра́нный явился еси́. Служе́ния Це́ркви не оста́вил еси́, смиренному́дрием све́тло у́крашен, моли́твою непреста́нною преисполнен еси́. Чистото́ю и тишино́ю сия́я, венце́м неувяда́емым, уве́нчан еси́; моли́твы те́плая, яко фи́миам благово́нный, ко Вседе́ржителю возно́сиши о нас, пою́щих тебе́:

Ра́дуйся, испове́днице́ ове́тов ино́ческих храни́телю ве́рный;

Ра́дуйся, обите́ли Киево-Пече́рстей в́сере́ многоце́нный;

Ра́дуйся, повеле́нием Цари́цы Небе́сных, же́зл архипа́стырско́го  
слу́же́ния досто́йно прия́вый;

Ра́дуйся, архиере́ю, втайне́ от ми́ра по́двиги и моли́твы соверша́вый;

Ра́дуйся, кормило́м церко́вным во дни гоне́ний прозорли́во упра́влял еси́;

Ра́дуйся, ревностию́ о па́стве в кро́тости ду́ха пыла́л еси́;

Ра́дуйся, я́ко мо́щи твоя́ нетле́нная, исто́чник исцеле́ния; ?

Ра́дуйся, гра́да Жито́мира моли́твенное заступле́ние;

Ра́дуйте́ся, вси́ святы́и зе́млі Жито́мирския, Це́ркви на́шея  
свети́льницы присногоря́щи.

#### Кондак 4

Бу́рю зло́бы и неисто́вства сил преиспо́дних попу́сти Го́сподь на зе́млю  
на́шу, да́бы испытáти лю́ди Сво́я. Вас же́ обрете́, я́ко ра́бы бдя́щия,  
смире́нием и добродете́лями укра́шенные и му́жески во бра́нех стоя́щия.  
Ра́дуйся богохрани́мый гра́де Жито́мире и веселите́ся ны́не лю́дие зе́млі  
Полес́ския, я́ко таковы́х моли́твенников сподо́билися прия́ти есте́. И́хже  
присно́ велича́юще хвала́ми благода́рными, улу́чим и мы спасе́ния, в  
вече́ности воспева́я Бо́гу: Аллилу́иа.

#### Икос 4

Ви́деша лю́дие правосла́внии тя Фа́ддее, ви́карие Во́лынскій  
достохвальный, я́ко испове́дника непоколеби́маго, с лице́м све́тлым ра́дость  
Пасха́льную всемъ возвеща́вый. Кро́тко омофо́р, я́ко крест, на ра́мена сво́я  
взем, пу́тем тяжкихъ гоне́ний, лю́тых страда́ний и за Христа́ увне́нием, в  
ра́дость вечно́ю всели́лся еси́ и в ризу́ златотканну́ю свы́ше оде́ян еси́.  
Веру́ем, я́ко Престо́лу Бо́жью предсто́я, моли́шися о́ всехъ воспева́ющихъ ти:

Ра́дуйся, Све́том Христо́вым, заблудши́я просвеща́л еси́;

Ра́дуйся, ду́шу сво́ю за па́ству полага́л еси́;

Ра́дуйся, клеветы́, оскорвле́ния и гоне́ния, с кро́тостию претерпе́л еси́;

Ра́дуйся, и в те́мнице ми́лостыню́ безмо́лвно твори́л еси́;

Ра́дуйся, слу́жбу Бо́жью во у́зах соверша́л еси́;

Ра́дуйся, за вся смире́нно Го́спода благода́рил еси́;

Ра́дуйся, дар прозре́ния и утеше́ния от Го́спода прия́л еси́;

Ра́дуйся, венце́м трисве́тлым, святы́тельства, преподо́бия и  
му́ченичества уве́нчан еси́;

Ра́дуйте́ся, вси́ святы́и зе́млі Жито́мирския, Це́ркви на́шея  
свети́льницы присногоря́щи.

### Кондак 5

Боготѣчныя звѣзды, зѣмлю Житомирскую благодѣтню озаряющи и молѣнием ѹсѣрдным ко Господу нас просвещающи. Обни во святитѣльствѣ, инии в мученичествѣ и исповѣдничествѣ, друзии во иночествѣ, во Христа ради юродствѣ и в житии праведном; вси же благочестием, преподобием и во Истинѣ стоянием Богу послужившии и в жертву Господу житие свое принѣсшии. Молитесь о земных сродницех ваших, прославляющих Дивного во святых Своих Бога: Аллилуиа.

### Икос 5

Видеша людие православнии тя Аркадие священномучениче, яко странника в трудех пастырских, покоя не имѣваго, словом Божиим и непрестанными трудами уста безбожных заграждаваго. Верными братства Свято-Никольскаго многих православных от глада избавльшаго и от раскола «живоцерковнаго» на путь спасения настававаго. Многоскорбным житием, нерарше Божий, Града Небеснаго взыскал еси, сего ради тебе вопием:

Радуйся, братство в двутысящи христиан православных основал еси;  
Радуйся, в невидимой брани, верных твердо в вере стояти поучал еси;  
Радуйся, житием своим ко Православию многих возвратил еси;  
Радуйся, во трудех просветительских, жертвенно Церкви Христовой, послужил еси;

Радуйся, алмаменте веры, узилищем темничным не сокрушенный;  
Радуйся, мученическою кончиною, ко Христу вознесенный;  
Радуйся, кровию своею землю нашу оросивый;  
Радуйся, правую веру во Пресвятую Троицу непорочно сохранивый;  
Радуйтесь, вси святии земли Житомирския, Церкви нашея свѣтильницы присногорящи.

### Кондак 6

Праведник и свѣтильник земли Сербския явился еси святителю Христов Мардарие. От юности работати Христу Единому всем сердцем вожделев, свету мира сего ни во что вменил еси, и во граде Житомире благочестию и богословію поучался еси. Духовныя подвиги понеся, великий ревнителю, православным, в дальнем рассеянии сущим явился еси. Ныне же и мы вкупе со христианами яже судьбами Божиими в земли чуждей жительствава, Богу Единому взываем: Аллилуиа.

## Икос 6

Возсия́ светъ святительскаго служенія твоего́, пречюдне Серафиме. Премудра хранителя́ Вѣры Православныя и истинъ Божественныхъ ревнителя́ тя почитаемъ. Ты бо, хитонъ боготканый святоотеческаго ученія непорочно соблюл еси́. Паствѣ свою́ утешая, рече́ еси́: «Мы гости́ на земли, птицы́ перелетныя. Люта́ зима, но сладокъ Рай» сего́ ради, благочестія непобедимому повѣрнику венцы́ хвалѣбныя приносимъ.

Радуйся, волю́ Божию в жити́ своемъ непрестанно иска́вый;  
Радуйся, сего́ ради промысломъ Божиимъ руководи́мый;  
Радуйся, во изгнаніи любовь ко отечеству́ сохрани́ еси́;  
Радуйся, съ болью в сердце скорбящемъ, за Русь Святѹю всегда́ Христа́ моли́ еси́;  
Радуйся, богословія святоотеческаго истинный ревнители́;  
Радуйся, вѣры Православныя непоколебимый хранители́;  
Радуйся, медоносными́ устнами́, во испытаніяхъ Цѣрковь страждущю́, укрепля́ еси́;  
Радуйся, в праздникъ Торжества́ Православія во обители́ Цѣркви торжествующей возше́ еси́;  
Радуйтесь, вси́ святіи́ земли́ Жито́мирския, Цѣркви нашея́ свѣтильницы присногорящи.

## Кондак 7

Хотяще вѣчное спасеніе улу́чити, всевлаженни Прокѣпие, Парфѣние и Иоаса́фе, в училище́ пастырства юныхъ дѹши назидали есте́. Вертоградъ Господень, зноемъ безбожія иссушаемый, животворною влагою́ словесъ напоая́ и добротой благочестія назидая́, святительскіи́ жезлы́ служенія восприяли́ и мученическую кончину́ прияли есте́. Съ ними́ же и ты, Иерофѣе, викарій Во́лыньскій и старче́ обители́ Дѣрманския, в преподавни́ просіявший. Вкупѣ́ же вы дерзновенно на Небеси́ укрепля́вшему васъ в подви́зехъ Царю́ Славы возносите́: Аллилу́на.

## Икос 7

Новаго́ вѣсера церковнаго́ вся́ свѣтомъ Вѣры Христо́вой озаряюща, показá ты́ Господь, Амвро́сїе, архипасты́ря боговлаженнаго. Словомъ Божиимъ, яко́ мечемъ обоюдоострымъ тьму́ невѣрія́ рассекая́ и всякое́ беззаконіе обличая́, в жертвѣ́ благоприятнѹю́ Бо́гу себѣ́ принесый, мученикъ ликъ умножая́. Сего́ ради́ зываемъ ти́:

Радуйся, клáсе́ цельный, сторичный плодъ принося́щий;  
Радуйся, цвѣте́ многоцвѣтный, благоуханія́ вѣры́ источа́ющий;

Ра́дуйся, же́зле архипа́стырскій, сло́весных овец оберега́ющий;  
Ра́дуйся, адама́нте ве́ры, стоя́нию в Исти́не, нау́чающий;  
Ра́дуйся, гро́здие многопло́дная, а́лчущия пра́вды насыща́ющая;  
Ра́дуйся, све́ще, све́том Богове́дения тьму́ неве́рия разгона́ющая;  
Ра́дуйся, дре́во многоли́ственное, ни́щих ду́хом покрыва́ющее;  
Ра́дуйся, ве́твие Ло́зы Христо́вы, в Ца́рствии Небе́сном, прозя́вшее;  
Ра́дуйтеся, вси святи́и землі́ Жито́мирскія, Це́ркви на́шея  
святи́льницы присногоря́щии.

### Кондак 8

Стра́нник в ми́ре сем быв и Го́рняя му́дрствую́, всего́ себе́ на слу́жение  
Це́ркве отдал еси́, священномуче́нниче Наза́рие. Во гра́де Жито́мире  
потру́дился еси́, после́дє обит́ели Грү́зинскія окормля́я, испове́дником  
ве́рным и столпо́м непоколеби́мым наре́клся еси́. Да́же до кончи́ны  
мучени́честей, слу́жения святи́тельскаго не оставля́я во Обит́ели Ра́йскія  
всели́лся еси́, иде́же с ли́ки а́нгельскими́ воспева́еши: Аллилу́иа.

### Икос 8

Весь хвала́ Бо́гу и же́ртва жива́я яви́лся еси́ преподо́бному́чениче  
Мака́рие, чу́дотворче преизря́дный. Дадéся ти благода́ть, Сло́во Бо́жие  
ми́ру грешно́му веща́ти, ве́ру оте́ческую непоколеби́мо хранити́, во́лны  
нечестия́ твёрдо у́гашати́, крест страда́ний досто́йно прия́ти и во Обит́ели  
Го́рняя взы́ти. О сем прино́сим ти хвалéния тако́вая:

Ра́дуйся, Правосла́вия пропове́дниче сла́вный;  
Ра́дуйся, благо́честия се́ятелю́ неустáнный;  
Ра́дуйся, заблү́дших наста́вниче премү́дрый;  
Ра́дуйся, страждү́щих, целит́елю́ пресла́вный;  
Ра́дуйся, истин Боже́ственных испове́дниче благо́честивый;  
Ра́дуйся, гра́да О́вруча моли́твенниче дивный;  
Ра́дуйся, врага́ на́шего спасéния, ве́рою и моли́твою у́язвля́ющий;  
Ра́дуйся, А́нгелом ликовáние неизрече́нное;  
Ра́дуйтеся, вси святи́и землі́ Жито́мирскія, Це́ркви на́шея  
святи́льницы присногоря́щии.

### Кондак 9

Вся́ка благода́ть данá ти Алекса́ндре, протопресви́тере сла́вне. Си́ла  
Бо́жия тя се́рдцем моли́твенным облагодати́, умом нерассе́янным озари́,  
волею́ твёрдою́ укрепи́ и у́стны пла́менными воорү́жи. Сего́ ра́ди Сло́во  
Бо́жие вещал и тру́ды па́стырскія неустáнно исполня́л. Болéзну́я се́рдцем

о земли нашей, кайновым грехом объята, в молитве непрестанной пребывал еси. Ныне же, кровию мученическою обагрён, взираеши на Господа, воспевая: Аллилуиа.

### Икос 9

Витийственных словес плетение не довлеет восхвалити достойно крепость и кротость твою, егда клеветницы лукавыя, тати и хищницы, всякия исполнишеса ярости, на тя возсташа отче Павле, ты же отверстым сердцем приял еси глас Божественныя любви: «иже хочет по Мне ити да отвержется себе, и возмет крест свой, и по Мне грядет», Тому невозвратно последовал еси, подвизая ны согласно пети ти:

Радуйся, клевету и поругание с кротостию приявый;  
Радуйся, дивную крепость духа в заточении показавый;  
Радуйся, виение лютое от зверонравных претерпевый;  
Радуйся, в мучении огнем от безбожных несокрушимый;  
Радуйся, столпе терпения, злобою человеческою неязвленный;  
Радуйся, камене веры, козни диавольския посрамивый;  
Радуйся, неизреченную сладость небесную вкусивый;  
Радуйся, бисере драгий, во юдолах земных, Господом обретенный;  
Радуйтесь, вси святии земли Житомирския, Церкви нашея  
свещильницы присногорящии.

### Кондак 10

Спасу Христу, Боготочною Кровию род человеческий искупившему и обновившему, последовали есте отцы: Мироне, Корнилие и Неофите, ветвия младыя семинарии Волынской. Служители Божественныя славы и Света Непреступнаго причастники. Во страданиях тяжких, непрестанно уповая на Бога, яко священноагнцы, увиеение прияли есте, поя Творцу: Аллилуиа.

### Икос 10

Стены темничныя, яко светлый чертог быша ти, отче Арцефо. Любовь Христову в сердце имея, прещения нечестивых ни во что вменил еси. И яко пастырь добрый, душу свою за паству положил еси. Сего ради, священномучениче славне воспоем ти:

Радуйся, яко рождением своим, селение Довжик прославил еси;  
Радуйся, яко земли Житомирстей пастырь славный, явился еси;  
Радуйся, яко рану раскола старообрядческаго, ревностно врачевал еси;  
Радуйся, яко в Церкви единоверчестей, любовь Христову являл еси;

Ра́дуйся, яко тьмѹ раско́ла, свѣтом вѣры и́стинныя разгна́л еси́;  
Ра́дуйся, яко множество овецъ словесныхъ, во оградѹ спасительную  
привѣл еси́;

Ра́дуйся, яко храм Иоакима и Анны, от поруганий безбожныхъ сохрани́л еси́;

Ра́дуйся, яко житиѣм и кончиною, образъ вѣрнымъ показа́л еси́;  
Ра́дуйтесь, вси святини земли Житомирския, Церкви наша́я  
свѣтильницы присногорящии.

### Кондак 11

Пѣние хвалебное возносимъ ти, священномучениче Максиме, пастырю добрый, от Господа дерзновение равноапостольнаго служения имевый. Во дни скорбныхъ испытаний от ереси латинския и лютыхъ гонений от власти австро-угорския Православие искореняющихъ: столпомъ вѣры, проповѣдникомъ пламеннымъ и гонимыхъ защитникомъ был еси́. Со словами во устахъ: «да живѣтъ Святое Православие», ко Господу мученически преставился еси́, восклицая Ему́: Аллилу́иа.

### Икос 11

Свѣтильника вѣры и пастыря неустанного воздвиже Христосъ во отечествѣ нашемъ. Во дни гонений, отче Васи́лие, время пастырскаго служения на рамена своя́ подъя́л еси́ и на Помѣстнемъ соборѣ от земли Полѣсския предста́л еси́. Пастырю неустрашимый, проповѣднице сладкогласный и исповѣднице славный. Вѣмы, яко ны́не у Престо́ла Главы за отечество земное ходата́я и́мамы, хвалимъ тя:

Ра́дуйся, ра́ломъ словесъ своихъ, сердца́ юныхъ воздѣлывающий;  
Ра́дуйся, плоды се́янна твоего́ в вѣчности зрящий;  
Ра́дуйся, чадъ своихъ на путѣхъ странствія земнаго направляющий;  
Ра́дуйся, па́ству твою́ спасенную, на поклонѣние ко Господу  
приводящий;

Ра́дуйся, отче собора помѣстнаго, Православие утверждающий;  
Ра́дуйся, исповѣднице собора святыхъ, в молитвѣ неугасающий;  
Ра́дуйся, до́льнаго міра, изгнанниче безвинный;  
Ра́дуйся, Го́рняго міра, избранниче благословенный;  
Ра́дуйтесь, вси святини земли Житомирския, Церкви наша́я  
свѣтильницы присногорящии.



## Кондак 12

Благода́ть неисто́щима́я дана́ ти от Го́спода, сла́вне мучени́че Нико́лае, писмена́ми богому́дрыми и сло́вом о́гненным из сетей лжеуче́ний к ве́ре оте́честей возвра́щати, и от греха́ пьянства к трезвости и моли́тве воздви́зати, и под Покро́в Пречи́стыя Засту́пницы, Ма́тери Све́та ду́шу всеце́ло преда́вати. И ты, мучени́це Ве́ро достохва́льная; немо́щь естества́ же́нскаго ве́рою во Христа́ победи́вшая. Му́дрости дев ева́нгельских подража́вшая, за ду́ховным отце́м своим в гоне́нии да́же до заточе́ния и сме́рти после́довавшая. Велича́ем по́двиги ва́ша, мучени́цы Христо́ви пресла́внии, ны́не во оби́телех Го́рних Бо́гу непреста́нно воспева́ющих: Аллилу́иа.

## Икос 12

Пою́ще твою́ небесну́ю сла́ву, святая́ преподобномучени́це Анастаси́е, в дре́внем Ри́ме просия́вшую, и на Святе́й горе́ Афоне́стей со Пресвято́ю Богоро́дицею за иноков оби́тели Григори́атския сугубо моля́щуюся. Хода́таице благода́тная явила́ся еси́ и за лю́ди земли́ Жито́мирския, чрез нетле́нну́ю главу́ твою́ сокры́ту́ю, тьмочи́сленнии чуде́са́ источа́ющую. Огради́ нас богоприя́тными моли́твами твои́ми и прими́ от нас моле́ние ма́лое си́е:

Ра́дуйся пресла́вная тре́хле́тняя отрокови́це, во ино́чество избра́нная;  
Ра́дуйся свяще́нных на́учений блаже́нная Софи́и, послу́шнице пречу́дная;

Ра́дуйся о́браз чистоты́ и цело́му́дрия показавшая;

Ра́дуйся мучени́це в бра́чном оде́янии непоро́чности, Хри́сту представшая;

Ра́дуйся за зе́млю на́шу покрови́тельнице недоли́мая явила́ся еси́;

Ра́дуйся со приснопа́мятною схи́монахи́нею Рафа́илою оби́тель ино́ческу́ю во гра́де Жито́мире воздви́гла еси́;

Ра́дуйся се́страм оби́тели се́й незри́мо по́мощь и у́теше́ние Божество́нное явля́ющая;

Ра́дуйся хода́тайством своим, чту́щим страда́ния твоя́, двéри Жи́зни ве́чныя отверза́ющая;

Ра́дуйте́ся вси́ святи́и земли́ Жито́мирския, Це́ркви на́шея свети́льницы присногора́щи.

## Кондак 13

О пресла́внии уго́дницы Бо́жии, вси́ святи́и в земли́ Жито́мирстей просия́вши, зде́ на́ми имено́вани; я́влении и нея́влении, Бо́гу же

ведомыя. Вы есте́ свети́льницы Свѣта Невечернаго, у Престо́ла Пресвяты́я Троицы предстоящи и со а́нгельскими чини́ми в моли́тве присногорящи. Примите́ ма́лое сие́ моле́ние на́ше, в похвалу́ вам ны́не приноси́мое. Моли́тесь ко Христу́ Бо́гу, да утве́рдит в землѣ́ на́шей ве́ру Правосла́вную, да укре́пит в ней ду́х благоче́стия, и сподо́бит нас кѹпно с ва́ми воспева́ти Ему́: Аллилу́иа.

### **Молитва всем святы́м в землѣ́ Жито́мирстей просия́вшим**

О, Богопросвеще́нные у́годницы Бо́жии, землѣ́ Жито́мирския предста́тели и покрови́тели, вои́ны Христо́ви, смиренному́дріем и ду́ховными по́двиги врага́ до конца́ низложи́вши. Моли́твами ва́шими Церковь непоколебиму́ соблюди́те, оте́чество на́ше в безмяте́жии сохрани́те, в сердца́х наших ду́х покая́ния насади́те, ум па́мятию сме́ртною отрезви́те и волю́ ко исполне́нию за́поведей Божѣ́ственных укре́пите. Испроси́те нам у́ Пода́теля благ ве́чных вѣсер драгоценны́я ве́ры, непреста́ннаго моли́твеннаго возды́хания в крото́сти ду́ха, серде́чнаго сокруше́ния и пла́ча о гресе́х на́ших. Умоли́те Го́спода на́шего Иису́са Христа́ пу́ти земна́го странствовани́я на́шего к Го́рнему Оте́честву напра́вити, миром и любовью́ оживотвори́ти и Свои́м Божѣ́ственным милосе́рдием покры́ти.

О, соборе́ святы́х, предстоя́й днесь Престо́лу непристу́пнаго Свѣта, помяни́те бра́тню, сесте́р и сродни́к на́ших, пре́жде отше́дших, да вси́ мы вку́пе соблю́дше сокрови́ще ве́ры, пристани́ще ве́чнаго спасе́ния дости́гнем и во блаже́нных обите́лех водворимся, иде́же со Пресвяте́й Влады́чицей на́шей Богородицей и Присноде́вой Мари́ей, небесны́ми си́лами безплотны́ми и все́ми святы́ми, непреста́нное славосло́вие и поклонѣ́ние принесѣ́м Безнача́льному Отцу́, со Еди́нородным Его́ Сы́ном и Животворя́щим Ду́хом в безконече́ныя ве́ки. Ами́нь.

### **Тропарь Жито́мирским святы́м, глас 4-й:**

Многосвѣ́тлии свети́льницы, Богодарова́нное у́краше́ние землѣ́ Жито́мирския, святи́телие и преподо́бнии, му́ченицы, испове́дницы, вку́пе же и праведни́цы в различны́х обра́зах жити́я любовь́ Христо́ву стяжавши́и, в Небесны́х черто́зах возсия́ли есте́. Моли́те, да утве́рдит Го́сподь в Правосла́вии и благоче́стии Оте́чество на́ше и спасѣ́т ду́ши на́ша.